

"d) za radna mjesta utvrđena članom 25. stav (2) tačka d) Pravilnika o radnim odnosima državnih službenika i namještenika Ministarstva unutrašnjih poslova Kantona Sarajevo u iznosu 20% od osnovne plaće."

Član 5.

(Primjene odredaba člana 4. ovog pravilnika)

Odredbe člana 4. ovog pravilnika primjenjuju se od 01. juna 2022. godine.

Član 5.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo."

Broj 01-9-04-4899/1/22

09. novembra 2022. godine

Sarajevo

Ministar

**Admir Katica**, s. r.

Na osnovu člana 56. stav (2) i 66. st. (1) i (2) Zakona o organizaciji organa uprave u Federaciji BiH ("Službene novine Federacije BiH", br. 35/05), čl. 48. i 74. st. (3) i (4) Zakona o državnoj službi u Kantonu Sarajevo ("Službene novine Kantona Sarajevo", br. 31/16 i 45/19), člana 2. Zakona o namještenicima u organima uprave državne službe u Federaciji Bosne i Hercegovine ("Službene novine Federacije BiH", br. 49/05 i 103/21), člana 118. Zakona o radu ("Službene novine Federacije BiH", br. 26/16, 89/18 i 44/22) i odredbi Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 30/22), uz pribavljeno mišljenje Samostalnog sindikata državnih službenika i namještenika Kantona Sarajevo i Sindikata policije Kantona Sarajevo, ministar unutrašnjih poslova Kantona Sarajevo donosi

### PRAVILNIK

#### O IZMJENI I DOPUNI PRAVILNIKA O RADNIM ODNOSIMA DRŽAVNIH SLUŽBENIKA I NAMJEŠTENIKA MINISTARSTVA UNUTRAŠNJIH POSLOVA KANTONA SARAJEVO I UPRAVE POLICIJE MINISTARSTVA UNUTRAŠNJIH POSLOVA KANTONA SARAJEVO

Član 1.

(Izmjena člana 9.)

U Pravilniku o radnim odnosima državnih službenika i namještenika Ministarstva unutrašnjih poslova Kantona Sarajevo i Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", br. 4/22 i 21/22) u članu 9. stav (1) mijenja se i glasi:

"(1) Ministar, odnosno policijski komesar donosi plan korištenja godišnjih odmora najkasnije do kraja aprila tekuće godine, uz prethodnu konsultaciju sa zaposlenicima ili njihovim predstavnicima u skladu sa zakonom, uzimajući u obzir potrebe posla, kao i opravdane razloge državnog službenika i namještenika. Na osnovu plana korištenja godišnjeg odmora, rukovodilac organa državne službe donosi rješenje i uručuje ga državnom službeniku i namješteniku najkasnije sedam dana prije početka korištenja godišnjeg odmora."

Član 2.

(Dopuna člana 25.)

U članu 25. stav (2) iza tačke c) dodaje se nova tačka d) koja glasi:

"d) poslovi koji u opisu radnog mjesta podrazumijevaju pripremu, analizu, vještačenje i dokumentovanje u procesu kriminalističko-tehničkih vještačenja koje

obavljaju državni službenici i namještenici u Upravi policije na slijedećim radnim mjestima:

- 1) stručni savjetnik- vještak za hemijsko vještačenje;
- 2) stručni savjetnik- vještak i koordinator za biološku i DNK analizu;
- 3) stručni savjetnik vještak za digitalnu forenziku;
- 4) viši stručni saradnik-vještak za biološku i DNK analizu;
- 5) stručni saradnik-vještak za biološku i DNK analizu;
- 6) stručni saradnik-vještak za daktiloskopsko vještačenje, registraciju i identifikaciju;
- 7) viši samostalni referent operativni policijski fotograf;
- 8) viši referent laborant;
- 9) viši referent foto-laborant;
- 10) viši referent tehničar za obezbjeđenje tragova sa uviđaja i poslova magacina."

Član 3.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-9-04-4899/22

09. novembra 2022. godine

Sarajevo

Ministar

**Admir Katica**, s. r.

Na osnovu člana 21. stav (2) tačka e) i stav (5) tačka a), člana 23. stav (3) tačka d) i člana 94. stav (1) tačka e), u vezi sa članom 77. stav (3) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20), na prijedlog policijskog komesara, ministar unutrašnjih poslova Kantona Sarajevo, donosi

### PRAVILNIK

#### O IZMJENAMA PRAVILNIKA O PRIZNANJIMA, POHVALAMA I NAGRADAMA ORGANIZACIONIM JEDINICAMA I UPOSLENICIMA MINISTARSTVA UNUTRAŠNJIH POSLOVA KANTONA SARAJEVO I UPRAVE POLICIJE

Član 1.

(Izmjena člana 4.)

U Pravilniku o priznanjima, pohvalama i nagradama organizacionim jedinicama i uposlenicima Ministarstva unutrašnjih poslova Kantona Sarajevo i Uprave policije ("Službene novine Kantona Sarajevo", broj 15/20), u članu 4. stav (3) mijenja se i glasi:

"(3) Policijska medalja za hrabrost i lančić iz st. (1) i (2) ovog člana izrađuje se u srebru oznake 925/1000 koje je pozlaćeno 24 karatnim zlatom dok se pločica izrađuje u srebru koje je oivičeno sa zlatnom niti 24 karatnog zlata."

Član 2.

(Izmjena člana 5.)

U članu 5. stav (3) mijenja se i glasi:

"(3) Zlatna policijska značka i lančić iz st. (1) i (2) ovog člana izrađuju se u srebru oznake 925/1000 koje je pozlaćeno 24 karatnim zlatom dok se pločica izrađuje u srebru koje je oivičeno sa zlatnom niti 24 karatnog zlata."

Član 3.

(Izmjena člana 6.)

U članu 6. stav (3) mijenja se i glasi: